



Pānui Pāpāho

Te Rātū 27 o ngā rā o Huitanguru 2018

Kua whakaterea e Te Mātāwai he mahi rangahau hei hanga i tētahi putunga raraunga utu kore mō ngā mahi me ngā rauemi hei whakarauora i te reo Māori

E inoi ana a Te Mātāwai i te hunga kua whakarite, kua whai wāhi atu, kua tuku pūtea ki tētahi kaupapa, kua whakatakoto rauemi rānei hei tautoko i te whakarauoratanga o te reo, kia whakaoti mai i tētahi rangahau tuihono mō ā rātou mahi. Ko ngā pārongo ka kohia i te mahi rangahau o He Reo Ora, ka whakamahia hei hanga i tētahi putunga raraunga utu kore.

He hinonga motuhake ā-ture a Te Mātāwai, ko tāna kawenga ko te tautoko i te whakarauoratanga o te reo Māori i ngā kāinga me ngā hapori mā ngā iwi, mā ngāi Māori me ngā hapori reo Māori. Kua kirimanahia e Te Mātāwai a Te Wāhanga (NZCER) ki te hanga i te rangahau tuihono hei wāhanga o tētahi mahi rangahau whānui mō te whakarauora i te reo Māori.

Hei tā Te Atarangi Whiu, Tumu Whakarae o Te Mātāwai, “Ko tā mātou whakakitenga ko te whakahaumanu ake i te reo Māori kia noho anō ai hei reo ūkaipō i ngā kāinga me ngā hapori, nō reira he mea nui ki Te Mātāwai ngā pārongo hei toha māna, kia noho mātau hoki ia ki ngā mahi e mahia ana e ngā kaiārahi e mahi tahi ana ki ngā whānau.”

“He wāhi nui kei ngā kaupapa me ngā rauemi e whakaritea ana, e mahia ana e te tangata mā rātou ake, mā ō rātou whānau me ō rātou hapori, ki te whakarauoratanga o te reo.”

“He āwhina nui kei He Reo Ora ā-tuihono nei e kite whānui ai mātou i ngā kaupapa e whāia ana i te motu nui tonu.”

E kohia ai te whānui me te whāroa o te pārongo, kua tuhi atu a [Te Wāhanga NZCER](#) ki ngā rūnanga, ki ngā kaunihera ā-rohe, ki te hunga whai pānga ki te reo o ngā rohe, o te rāngai reo e hono ana ki Te Mātāwai, me ngā whakahaere ā-motu, ki te kōrero mō He Reo Ora, me te kimi tautoko i a rātou Ko te hononga ki [He Reo Ora rangahautanga](#) tuihono e tohaina ana i te paepāho, ka noho tuwhera ki te 6 o Paengawhāwhā 2018.

Mō ētahi atu pārongo, whakapā mai ki a:

Te Mātāwai—Roihana Nuri 021 225 7575

NZCER—Dinah Vincent 021 0273 8188



Media Release

Tuesday 27 February 2018

Te Mātāwai launches survey to develop a free database of te reo Māori revitalisation activities and resources

Te Mātāwai is asking people who have organised, participated in, or funded activities or developed resources to support te reo Māori revitalisation to complete an online survey about their efforts. Information gathered in the survey, He Reo Ora, will be used to create a free database.

Te Mātāwai, the independent statutory entity that is charged with supporting te reo Māori revitalisation in homes and communities on behalf of iwi, Māori and Māori language communities, has commissioned the New Zealand Council of Educational Research to develop the online survey as part of a wider Māori language revitalisation research programme.

“Our vision is that te reo Māori is restored as a nurturing first language in homes and communities, and so it is important that Te Mātāwai has the information to share and be informed by, our iwi and sector leaders working with whānau,” says Te Atarangi Whiu, Tumu Whakarae of Te Mātāwai.

“The language activities and resources people are organising and developing for themselves, their whānau, and their communities play an important part in restoring the language,” says Ms Whiu. “The He Reo Ora online survey will help us get the big picture of these initiatives from all over the country.”

To ensure as much information is collected as possible, [Te Wāhanga–NZCER](#) has written to rūnanga, local councils, the regional and sector stakeholders affiliated to Te Mātāwai, and national organisations introducing He Reo Ora and asking for their support.

The link to the [He Reo Ora survey](#) is being shared on social media, and will be open until the 6th of April 2018.

For more information, contact:

Te Mātāwai—Roihana Nuri 021 225 7575

NZCER—Dinah Vincent 021 0273 8188